



Javno preduzeće  
**ELEKTROPRIVREDA BOSNE I HERCEGOVINE**  
 d.d. - Sarajevo

Sarajevo 04-06-2026

02-17144-1/26

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj 39/14, 59/22, 50/24), člana 95. Statuta Javnog preduzeća Elektroprivreda BiH d.d.- Sarajevo (broj: NO-2190/21-41./2. od 25.01.2021. godine, broj: SD-20745/21-70./6. od 30.07.2021. godine) i člana 10. stav 4. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – prečišćeni tekst broj 06-8661-1/2023 od 10.03.2023. godine i Odluci o dopuni Odluke o utvrđivanju i rasporedu ovlaštenja Generalnog direktora, Sekretara Društva i direktora podružnica Društva broj U-01-12945-1/26-243/21 od 28.04.2026. godine, Izvršni direktor za proizvodnju **donosi:**

### ODLUKU

**o izboru najpovoljnijeg ponuđača u Otvorenom postupku javne nabavke broj 2000045321  
 (broj sa portala javnih nabavki: 1405-1-1-72-3-170/26)  
 Nabavka radnih odijela i uniformi - lot 3  
 Član 1.**

Najpovoljniji ponuđač za nabavku radnih odijela i uniformi za potrebe TE „Tuzla“, Tuzla (lot 3), izabran na osnovu provedenog otvorenog postupka broj 2000045321 pokrenutog po Obavještenju o nabavci broj 1405-1-1-72-3-170/26 objavljenog na „Portal javnih nabavki“ dana 22.04.2026. godine je:

**„ANNOA“ d.o.o. Tuzla**

### Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

### Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenta iz člana 45. stav 2) pod a), b), c) i d) Zakona o javnim nabavkama BiH.

### Obrazloženje

U predmetnom otvorenom postupku javne nabavke, objavljenom na portalu javnih nabavki dana 22.04.2026. godine, ponude je blagovremeno dostavio sljedeći ponuđači:

- |  |                                       |
|--|---------------------------------------|
| 1. „ANNOA“ d.o.o. Tuzla                | sa cijenom od 116.596,00 KM bez PDV-a |
| 2. „RM Company“ d.o.o. Zenica          | sa cijenom od 113.800,00 KM bez PDV-a |
| 3. „INKOS“ EXPORT-IMPORT d.o.o. Kakanj | sa cijenom od 112.240,00 KM bez PDV-a |

Zapisnik sa otvaranja ponuda po Otvorenom postupku broj 2000045321 od 14.05.2026. godine je dostavljen učesnicima predmetnog postupka u skladu sa odredbama Zakona o javnim nabavkama BiH ("Službeni glasnik BiH", broj 39/14, 59/22, 50/24) i podzakonskim aktima.

Komisija za javne nabavke imenovana Odlukom direktora broj 02-55-2-2713-1/2026 od 18.02.2026. godine i Odlukom o izmjeni Odluke o pokretanju javne nabavke broj 02-55-2-4882-1/2026 od 16.04.2026. godine, izvršila je otvaranje, pregled i evaluaciju pristiglih ponude i utvrdila:

Pregledom ponude ponuđača „INKOS“ EXPORT-INPORT d.o.o. Kakanj utvrđeno je da ponuđač nije dostavio sljedeće zahtijevane dokumente:

- Popunjen obrazac za ponudu (ANEKS 2),
- Izjava o ispunjenosti uslova iz člana 45. Zakona o javnim nabavkama (ANEKS 3),
- Pismena izjava iz člana 52. Zakona o javnim nabavkama (ANEKS 4),
- Potpisan „Nacrt ugovora“,
- Popis dokumenata uz ponudu koji čine sadržaj ponude,
- Garanciju za ozbiljnost ponude

te ponuda nije čvrsto uvezana i numerisana.

Iz naprijed navedenih razloga, odbacuje se ponuda ponuđača „INKOS“ EXPORT-INPORT d.o.o. Kakanj, prema odredbi člana 68. stav 4. tačka i) Zakona o javnim nabavkama BiH („Službeni glasnik BiH“, broj 39/14), jer njegova ponuda nije potpuna i ne ispunjava zahtjeve tenderskog dokumenta.

Pregledom ponude ponuđača „RM Company“ d.o.o. Zenica utvrđeno je sljedeće:

Tačkom 7. b) tenderske dokumentacije traženo je da ponuđač dostavi odgovarajuće Certificate of Testing (za opremu koja podliježe ispitivanju) koji sadrže opise neophodne za identifikaciju ispitivanog uzorka zaštitne opreme koja je predmet nabavke, te nalaze ispitivanja parametara u skladu sa traženim tehničkim karakteristikama i standardima za zaštitnu opremu te Izvještaj o provedenom ispitivanju zaštitne opreme ili certifikat izdat od ovlaštene/akreditovane ustanove, kao dokaz da zaštitna oprema ispunjava tražene sigurnosne i kvalitativne standarde.

Ponuđač „RM Company“ d.o.o. Zenica je u ponudi umjesto dokaza dostavio:

- za kombinezon zaštitni za jednokratnu upotrebu (u specifikaciji roba pod red.br.3.) deklaraciju koju je lično sastavio i potpisao, kao i Izjavu o usklađenosti zaštitnog sredstva (ne može se smatrati kao dokaz), što je u suprotnosti sa traženim iz tenderske dokumentacije, nije dostavio Izvještaj o provedenom ispitivanju zaštitne opreme ili certifikat izdat od ovlaštene/akreditovane ustanove,
- za odijelo za varioce (u specifikaciji roba pod red.br.4.) deklaraciju koju je lično sastavio i potpisao stranicu dokumentacije na stranom jeziku, koja nije prevedena, što je u suprotnosti sa traženim iz tenderske dokumentacije, jer nije dostavio Izvještaj o provedenom ispitivanju zaštitne opreme ili certifikat izdat od ovlaštene/akreditovane ustanove,
- za zaštitno odijelo od toplote (u specifikaciji roba pod red.br.18.) izjavu o usklađenosti zaštitnog sredstva (ne može se smatrati kao dokaz), što je u suprotnosti sa traženim iz tenderske dokumentacije, nije dostavio Izvještaj o provedenom ispitivanju zaštitne opreme ili certifikat izdat od ovlaštene/akreditovane ustanove,

Navedeni dokumenti koje je dostavio Ponudač, ne predstavljaju dokaz koji je tražen tenderskom dokumentacijom, niti mogu zamijeniti Izvještaj o provedenom ispitivanju zaštitne opreme ili certifikat izdat od ovlaštene/akreditovane ustanove.

Predmet nabavke obuhvata ličnu zaštitnu opremu namijenjenu zaštiti zdravlja i sigurnosti radnika, uključujući kombinezon zaštitni za jednokratnu upotrebu, odijelo za varioce i zaštitno odijelo od toplote, za koju je od posebnog značaja dokazivanje usklađenosti sa sigurnosnim standardima putem ispitivanja i certificiranja od strane ovlaštene ustanove.

Iz naprijed navedenih razloga, odbacuje se ponuda ponuđača „RM Company“ d.o.o. Zenica, prema odredbi člana 68. stav 4. tačka i) Zakona o javnim nabavkama BiH („Službeni glasnik BiH“, broj 39/14), jer njegova ponuda nije potpuna i ne ispunjava zahtjeve tenderskog dokumenta.

Ponuda ponuđača „ANNOA“ d.o.o. Tuzla zadovoljava eliminatorne kriterije zahtijevane tenderskom dokumentacijom.

Na osnovu kriterija „najniža cijena“, ponuda ponuđača „ANNOA“ d.o.o. Tuzla je povoljna sa ukupnom cijenom ponude u iznosu od 116.596,00 KM (bez PDV-a), te je, nakon izvršene ukupne ocjene ponuda, osvojila prvu (1) poziciju po predmetnom javnom nadmetanju.

Obzirom na prednje izneseno, donesena je odluka kao u dispozitivu.

**Pravna pouka:**

Protiv ove Odluke može se podnijeti žalba ugovornom organu (JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla) u roku od 10 (deset) dana od dana prijema ove Odluke.

Izvršni direktor za proizvodnju

Fahudin Tanović

CO:  
- Ponuđačima  
- 55  
- a/a